



皇明開國功臣錄卷二十二

定遠黃金

韓觀

何世明

胡惟賢

高銘

儲興

李茂之

孟善

高智

何福

郭士原

朱崇

吳沂

劉寧

葉國珍

趙端

耿天璧

韓觀虹縣人父成國初從征積有勞績授帳前總制親兵左副指揮使歲癸卯

上與陳友諒戰于鄱陽成效忠死義上嘉其功贈安遠大將軍輕車都尉都指揮使封高陽郡侯忠臣

祠於康山設像其中命有司歲時祀之觀以功臣子
初為散騎舍人吳元年六月帶刀侍衛每以忠謹為
上所知洪武五年從征沙漠有獲虜功十月命為廣西
桂林都衛指揮僉事與世襲時參所等處叛賊勢熾
方熾觀率官軍擊之賊敗走有潛匿謀再舉者掩而
殲之威懾蠻夷邊境寧謐洪武十年節次征勦義寧
古田等縣賊平數賜彩段十九年十二月陞指揮使
授流官誥昭勇將軍二十二年收捕慶遠等府叛賊
功聞陞驃騎將軍廣西都司都指揮使又三年壬申
閏十二月賜誥二十八年廣西南丹奉議慶遠等處

土官復叛九月 上命觀充副總兵同楊文帥師十
五萬往征之克奉議向武都康富勞南丹更吾蓮花
大藤峽等關寨生擒賊帥黃世鐵莫金等斬首數千
級俘獲二萬五千餘人招降復業徭衆六百餘民之
於象州武仙獲銅印五馬騾五十九疋牛二千六百
餘元稻糧二千六百九十餘石築城開設奉議南丹
潯州慶遠四軍民指揮使司向武河池懷集賀縣四
守禦千戶所糧牛悉給新立衛所屯種二十九年正
月陞榮祿大夫右軍都督府都督同知賜品官第於
京師

在庫街

三十年九月奉

制諭充副總兵率大軍二十萬征五開直抵洪州泊
里福祿水從等九長官司所屬上下南江述洞皮林
九層隘里上下中天府等洞寨用機設竒進衆以攻
斬俘成丁蠻賊一萬九百三十餘人賊屬一萬六百
餘口招降天柱上下二洞復業民七百八十三收籍
靖州會同縣獲印三顆貯官馬一百疋牛四百餘頭
稻梁八十三石給新立銅鼓衛公廨十一月駐常德
上遣錦衣衛指揮談全諭班師三十五年掛征南將軍
印江西操練軍馬未幾奉 勅鎮守廣西撫安民庶
永樂九年充征夷副將軍仍掛印征交趾既平留鎮

守十二年九月卒訃聞 上為輟朝遣官致祭給驛
傳還其喪賜葬江寧縣長泰北鄉卹典豐備云夫古
有世將謂前後作述功烈相承世濟其美史稱項氏
世世將家有名於楚彼趙括讀父書而不知合變卒
致覆亡愧是多矣若耿況弁之於漢李晟愬之於唐
曹彬瑋之於宋皆其卓然者也韓成殺身濟難忠冠
當世觀盡瘁為國克戡寇亂功照父勲其不謂之世
將乎哉其與馮郢公之子誠同條而共貫亦何多讓
於古人哉

何世明國初歸附從征渡江克采石太平金陵鎮江

授元帥丁酉毗陵既下遂取寧國縣宣徽等州元右丞楊完者以舟師攻徽州世明擊敗其軍禽其將黃牛兒等戊戌攻下青陽石埭太平旌德克嚴州從李文忠守禦復從

取婺州己亥正月克諸暨二月甲子偽漢張士誠遣將攻嚴州世明領兵從小北門出過鮑婆嶺由碧溪塢與戰大破之四月戊寅士誠兵至大浪灘世明率精銳出西門過烏龍嶺道胥口沿江而上復敗其衆自是賊兵不復敢窺嚴陵矣庚子以文忠命領兵克分水縣破其堅壘斬首五百餘級士誠兵皆潰十二

月甲子士誠遣陸元帥夏元帥花將軍復據分水新城之三溪世明率兵千餘攻之斬陸元帥花將軍數千人焚其營壬寅二月金華苗軍降將蔣英劉震等殺叅政胡大海及郎中王愷據城以叛文忠遣世明率兵討之至蘭谿英等懼夜半遁去世明遂從文忠入金華撫綏其民時處州苗將李祐之等亦叛殺院判耿再成元帥朱文綱等文忠復調世明領兵往屯縉雲以遏其侵軼未幾祐之等伏誅浙東平乙巳捷于紫溪復克浦城陞指揮僉事丙午從取錢唐丁未擊處州青田寇從朱亮祖取温州皆有功

胡惟賢國初從取江左太平溧水集慶南徐彭陽諸

郡縣累著勞績授元帥丁酉戊戌等年領兵佐攻毗陵下之克寧國縣宣州池州太平旌德音陽石埭銅陵功右諸將

上嘉之擢為江南總制守寧國府甚著聲望己亥三月甲午陳友諒將趙普勝寇寧國與太平縣惟賢命萬戶程允同義士汪炳率鄉兵五千擊敗之獲其糧一萬七千餘石普勝復寇青陽石埭等縣復敗而去高銘鳳陽縣廣德鄉十三都人少有大志元季兵亂太祖舉義歲癸巳銘仗戈來從命隸徐總管隨征累有功甲午授百戶自是克滁和二州渡江克采石取太

平破水陸敵砦定金陵拔南徐下毗陵 戰江南諸郡奮擊龍濟討九江拔安豐所在克捷癸卯陞在京留守中衛千戶繼克江漢平蘇湖北取中原亦皆戮力洪武四年 上念銘從征日久多著勞績命其子亮襲職五年調中都留守司留守中衛管軍正千戶十年調西安衛千戶十八年調錦衣衛千戶十九年上特授銘驃騎將軍中軍都督府都督僉事蒞事二十二年以老疾乞骸骨奉 勅致仕還鄉仍給半俸二十三年卒賜葬祭陞亮和陽衛指揮使二十四年調平夷衛三十五年孫熊襲永樂八年調武德衛十七

年曾孫冲襲

儲興鳳陽縣太平鄉人少魁梧有膂力元季壬辰兩淮兵起

太祖舉義除亂興知時有可為與其二弟珍通先衆而附留備行伍數遣從征輒著勞效並授百戶甲午七月興克滁州乙未閏正月克和州擊雞籠山群盜走之六月渡江取米石姑孰溧水丙申二月大破敵砦於江面迤北蠻子海牙三月克臺城先登乘勝拔南徐十月從攻晉陵丁酉克宣州江陰馬駙沙戊戌從上取婺州己亥克諸全回攻安慶庚子陳友亮率衆寇

龍灣從諸將擊敗之以功陞千戶辛丑隨擣江州征湖廣壬寅下豫章癸卯張士誠以兵數萬圍安豐從上援之大敗其衆水戰友諒於鄱陽甲辰武昌既平遂從克荊州丙午伐吳興進圍姑蘇丁未北取中原破山東沂州益都等處洪武元年陞僉青州左衛指揮事中原大定陞淮安衛指揮同知賜誥九年乞致仕上從之未幾起陞中都留守司正留守在任十餘歲號令整嚴恩威並著軍民按堵二十二年以疾卒孫斌襲指揮同知調龍里衛弟珍太原中衛通臨安衛俱指揮同知從子德正千戶

李茂字茂之滁州人幼機悟長而勇決元季兵亂為
義兵千戶歲甲午歸附從征和州護 蹕渡江克太
平金陵鎮江等處陞千戶充銀牌前部先鋒自是戰
必捷攻必取己亥陞右府都先鋒尋陞黃旗管軍千
戶復累著奇勲洪武二年授建寧衛正千戶四年陞
建寧都指揮僉事 誥詞云國家建列衛以掌軍政
嚴武備又設都指揮使司以總之其任尤重必才勇
出衆者乃使任其職焉武德將軍建寧衛管軍正千
戶李茂爾自事朕以來每從征伐多立戰功屢授武
職進長千夫繼而從定南閩所向有功朕念爾勤勞

有年是用陞爾僉佐武衛爾尚夙夜盡心率勵官屬
申明紀律務使軍旅整肅彊宇靖安庶副朕委任之
意可宣武將軍僉建寧衛都指揮使司事二十一年
陞廣西都指揮使二十三年調江西都指揮使二十
五年夏五月陞右軍都督府都督僉事二十七年調
僉中軍都督府事後致仕以壽終子瑛由馬隆衛指
揮同知陞中軍都督府僉事未幾出為廣南衛指揮
同知

孟善國初從征積有戰功累官指揮使陞都督同知
洪武中守禦保定號令嚴明軍民畏服

高智定遠昌義鄉人剛勇善戰甲午年從克滁州乙未克和州渡江克米石姑孰臺城南徐毗陵及江南等處從征湖廣浙西福建取中原皆有功由總管累官指揮同知洪武中陞左軍都督府都督僉事何福國初從征江南奪立武功累官武德將軍正千戶繼以平湖廣戰淮東京浙西取中原功歷陞指揮同知天下大定陞指揮使洪武十四年九月上命潁川侯傅友德永昌侯藍玉西平侯沐英征雲南福從行師至湖廣由辰沅趨貴州進攻普定克之羅鬼苗蠻犵狁聞風而降至普安復攻下之進兵曲靖

擊敗梁王將達里麻兵於白石江生禽達里麻獲其衆數萬遂平曲靖十二月克雲南府獻捷遣福入京奏事十五年二月上命福回齎勅諭友德等曰近者指揮何福至京得報知摧堅撫順之方運籌決勝之略然雲南自漢以來服屬中國惟宋不然胡元則未有中國已下雲南近因彼侮朝廷命卿等討平之今諸州已定惟大理未服尚生忿恨當即進討故令福馳回諭將軍夷性頑嚚詭詐多端阻山扼險是其長計攻戰之策諸將軍必籌之熟矣若頓師宿旅非我之利要在出奇制勝乘機進取一舉而定再不勞

兵可也所奏事宜悉從爾請福回諸將已攻克大理
方經略未下州郡邑砦福從征宣力為多乃取鶴慶
克麗江破石門關下金齒由是車里平緬等蠻部悉
降雲南既平陞都指揮使再陞右軍都督府都督僉
事階驃騎將軍二十一年四月北征哈刺哈捕魚兒
海等地招來達官人馬數多擒殺復叛同僉哈刺帖
木兒等所獲尤衆又率師哨至曲律蓮河招降平章
阿晚木等獲人口馬駝以萬計八月回京賜白金彩
段鈔貫二十四年四月越州土酋龍海子阿資復叛
沐英集諸將校議親征乃可覆其巢穴於是簡精銳

數萬提之以往至其地曰補衝賊衆迎敵英麾兵殺
獲殆盡阿資僅以身免竄匿萬山中英欲分兵襲捕
有旨命英回鎮雲南以福為平羗將軍代總其兵
討之阿資不復敢出遣其子請降遂立衛越州搃其
吭以遏之越境遂寧二十六年春緬國酋南速刺來
朝京師羅雄法束嘯聚福率師討降之寧遠州古為
七十城門壤接交趾恃遠肆強二十九年其酋刀拜
爛拒命不服福率兵一戰蠻臺江禽殺男婦二千四
百伍十盡獲其乘象軍實拜爛懼而乞降三十一年
二月永寧卜八如加復通賈哈刺寇邊福統兵禽之

戮其脅從二十三人俘獲男女三百餘人黨悉潰麓
川宣慰思倫發醢酒其屬乃干孟怨之弄兵謀逐其
主以自立思倫發窮奔告援福與沐春議遣人諭干
孟使釋兵不聽福乃率勁卒八千啣枚倍道直擣干
孟砦渠魁乘象突出追射殺之遂奮兵縱擊大破其
衆四萬斬首二千六百餘級獲象四十馬一百五回
擊景罕空蓬二砦皆下之凡降其黨衆七萬餘人自
是百蠻畏威邊境寧謐陞榮祿大夫右軍都督府同
知永樂初卒

郭士原濟南府泰安州人勇略過人屢立戰功歷陞
中軍都督府都督

朱崇定遠人性剛勇有膽畧善戰國初從義兵征討
屢著勲績滁和既定護 蹕渡江取太子溧水南臺
鎮江及江南浙東由總管授千戶自是援龍灣破安
慶擣江州戰彭蠡克武昌淮東浙西皆預有功陞指
揮僉事繼以取中原功陞指揮同知洪武中歷陞都
督僉事

吳沂滁州人儀狀瓌偉驍勇善格鬪至正甲午七月
太祖兵至滁沂歸附從克和州護 蹕渡江克采石太
平金陵鎮江毗陵從征浙東破諸州援龍灣鏖戰鄱

陽歷陞羽林衛千戶繼取武昌浙西湖州等處吳元
年平姑蘇禽張士誠尋討中原克山東沂州益都以
功陞青州右衛指揮僉事授宣武將軍洪武元年下
河洛關陝元都既拔取山西諸郡邑二年克陝西鳳
翔鞏昌平涼歷調長安平涼鞏昌三衛指揮俱有聲
績十五年陞山西都指揮使司指揮使授昭勇將軍
二十一年陞本司都指揮使授驃騎將軍三十一年
致仕以壽終沂自從軍以至都帥攻城略邑摧鋒陷
陣奇功偉烈不知其幾又嘗征察罕腦兒追偽遼王
收西番勦達子所至克捷蓋其為人忘勇有將略能

撫循士卒故致勲業之盛如此云

劉寧穎州白龍廟人

郡志亳縣義門人

貌魁梧有膽略驍捷

善戰國初從征江南平楚漢定淮東浙西繼取中原
以屢功歷陞指揮使洪武中陞後軍都督府都督僉
事賜誥命授驃騎將軍引疾致仕二十八年卒子二
人長晟襲浙江都司定海衛指揮使次昱孫貴曾孫
福玄孫植植子政

葉國珍國初從定江左戰浙東平楚漢皆有功歷陞
指揮同知歲乙巳克淮東泰州等處丙午三月從江
淮行省平章韓政率師取濠州四月庚申兵至濠攻

其水濼洞月城又攻其西門殺傷相當城中拒守甚
堅政督國珍等以雲梯砲石四面並攻城中度不能
支李濟及光州馬麟出降遂克濠州辛未克安豐初
國珍從政以兵扼安豐城門晝夜攻之不下乃於城
東龍尾壩潛穿其城城壞遂破之忻都竹昌左君弼
皆出走竹貞領兵來援復戰敗之貞遁去凡得兵四
千馬千匹糧九百餘石是年冬徐達與諸將圍蘇州
上命指揮傅友德領騎兵三百與徐州參政陸聚出哨
濟寧以警中原賜友德宴命國珍陪宴國珍有過
上切責後釋之俾從征中原克山東破諸州洪武元年

取東昌汴梁河洛關陝長蘆直沽從大將軍進克元
都計度北平南城故金時周圍已五千三百二十八

丈徇取北平未附州縣克中山保定征山西諸郡邑
二年從克安西鳳翔鞏昌臨洮進圍慶陽張良臣出
戰不利七月辛亥王保保欲為良臣聲援遣部將韓
札兒攻破原州指揮陳壽等俱陷沒大將軍聞報與
馮宗異傅友德議以驛馬關等地當其衝乃以除禮
守關韋正守邠州而以國珍守彭原即寧州以搃遏之
保保等不復敢侵軼札兒亦遁去良臣援絕食盡坐
以待斃八月癸未遂克慶陽十二月大賞定中原功

賜白金文幣三年從征沙漠復敗保保軍於定西天下既定論功進都衛指揮使

趙端初名瑞後改今名鳳陽縣人梁國公德勝弟也國初歲甲午於滁州歸附以華千戶舉充百戶乙未閏正月隨大軍克和州六月渡江克采石太平七月克溧陽丙申二月拔中丞水寨三月破陳也先營獲馬二匹軍三十名以韋總管薦充千戶是月十日克南臺十七日取鎮江六月下廣德陞萬戶丁酉三月平常州六月次江陰獲賊二名賞銀梳二戍戌十二月隨二馬五步軍克婺州己亥正月踣諸暨攻紹興

庚子二月攻高郵月城先登賞銀梳一辛丑擣安慶江州壬寅正月下南昌獲軍十八五月編伍充打谷罕頭目癸卯慶都陽湖水戰攻湖廣甲辰三月攻廬州獲賊五人賞銀梳一乙巳五月克襄陽十月征秦州丙午三月克高郵中火銃傷腦七月從征浙江十一月下湖州吳元年九月并蘇州十月征中原十一月克沂州益都十二月破濟寧洪武元年三月克汴梁四月覆河南府陝州七月七日陞濟寧左衛管軍百戶賞彩段二表裏隨韓平章守禦東昌十月回濟寧同千戶張真收捕滕縣牙山砦禽賊二名十二月

隨韓平章攻天圍寨中矢傷左足遂克本寨并設縣
招安七元寨獲馬三疋軍五百餘名二年七月克雞
冠寨蟻尖寨招安軍民赴汴梁乃回濟寧八月勅授
昭信少尉九月陞濟寧左衛管軍副千戶洪武三年
三月隨韓平章迤北征進至大興州小興州蒿子站
檀帽山魯王寨大石崖免骨崖獲馬二疋招集人民
五百餘名授武略將軍賜流官誥又隨房指揮征進
迤東搜捕潰散賊徒誥授世襲洪武四年二月從魏
國公北平駐營閏三月賜彩段八表裏六月二十四
日開設濟寧衛撥本衛管轄七月隨華都督北征二

十五日抵雲州直北牙頭分困偽平章僧家奴等八
月至上都大石崖攻劉學士等寨克之中飛石傷左
腿及右臂又追襲驢兒國公至高州武平與戰刀箭
傷左手及右肩負傷破其軍驢兒由錦川州興中遁
去五年四月從李曹公文忠北征有功九月回北平
七年七月陞永平衛指揮僉事八月授流官誥宣武
將軍九年十二月奉勅諭調福建興化衛十年六月
進階明威將軍十一年正月誥授興化衛世襲指揮
僉事十四年六月為倭寇召赴京宥罪賜寶鈔鞍馬
彩段胖襖命部本衛官軍收捕十二月至溫州平陽

等縣禽獲叛賊十五年閏二月調往福安蛇坑搜捕
死賊至漁溪親獲林德莊兆九二名梟以示衆三月
回衛驗功賜鈔二十定十六年四月疏陳年老征傷
奉 旨令子麟襲職十七年召致仕官赴京

上顧端年力未衰賜彩段表裏陞鎮國將軍廣東都司
都指揮同知練達兵政遠人畏安二十一年召赴京
懇乞骸骨得 旨旨賜資還鄉二十一年卒麟英武
有父風嘗於文甲海澳殺倭賊二千餘人獲倭刀
箭等器又追襲至大頭山擊敗之自是倭賊不敢登
岸洪武二十五年回回鳳陽葬父卒於建寧之崇安

子本方一歲庶弟斌龍襲興化衛指揮僉事二十八年
上追念端年深有功陞斌天策衛指揮使三十二
年卒永樂五年本長成襲指揮使調和州衛累征沙
漠從平漢庶人正統四年陞山東都指揮卒子輔襲
濟寧左衛指揮使應薦有文武才陞都指揮再陞都
督僉事進都督同知端贈榮祿大夫如其官成化初
勦平兩廣蠻賊封武靖伯追封端如其爵後征建州
夷有功進封武靖侯端亦追封武靖侯輔卒子承慶

襲武靖伯

耿天璧五河人泗國公再成子也再成於國初輔佐

八祖高皇帝平定江左豐功茂績著在策府己亥克處
州 上命為樞密院判守禦庚子十一月召天壁入
侍隨往揚州辛丑八月隨軍安慶江州湖廣壬寅正
月從 南昌二月九日慶州苗軍降將李祐之賀仁
德糾眾作亂再成閭閻印提劍上馬斫賊大罵諭其
速降轉禍為福賊不能從遂殺再成據城十七日

上方命天壁往慶州起發有翼苗軍將士來京聽用行
次石港遇王左丞來告變天壁即星馳至婺州李文
忠所訪得再成舊部千戶朱絢等遂集合部將士會
同張院判等軍馬聲罪討賊四月攻破慶城祐之等

皆伏誅

上追封再成為泗國公命天壁襲賊仍守慶州癸卯
四月謝再興以諸將叛降張士誠天壁領兵策應諸
暨是時方國瑛據温州乍降復叛甲辰止月十六日
天壁帥師征之及攻平陽城池九月士誠與再興犯
東陽義烏領兵追捕之殺傷賊眾駐師婺州是年冬
上於慶州開設制勝衛以天壁為制勝衛指揮副使乙
巳二月士誠與再興驅兵二十萬攻圍諸暨新城率
師援之二十九日大破其眾三月朔回營四月十五
日克浦城五月十六日調領元帥祁興等官軍詣浦

城之南與陳友定將賴元帥等大戰敗其衆一萬餘人又領兵直抵臨江橋攻其賊寨又與元帥王祐於太湖嶺對敵及三十六路墩塔嶺追殺賊衆回守浦城是月改制勝衛為處州衛授處州衛副使七月率千戶汪真宋得等官軍攻建陽陳友定拒戰擊敗之禽賊四十餘人獲馬數十疋送付胡參軍深丙午三月回衛四月率本衛官軍嚴陵聽調十月十六日隨李文忠取杭州先攻洞廬師次城下為元帥某來降遂克之尋克富陽餘杭十一月八日至杭率千戶宋得張文信等攻其西門守兵戰不利攻益急十九日

遂下其城吳元年陞嚴州衛指揮同知誥授世襲二月十九日奉李文忠劄統各處官軍從徐達攻蘇州三月十八日殺入東門半月城奪取浮橋賊敗溺水死者甚衆六月二日統各衛軍於胥門水田與偽丞相張瑄戰敗之奉常遇春調守本城長圍奪土圍豎柵九月八日攻克本州士誠就禽以功賜彩段表裏尋取無錫州攻西門擊敗賊將莫老虎克無錫回軍杭州十月五日奉文忠劄將原取蘇州馬軍往征溫州二十六日至西廓一作廓門外太平嶺下方寇拒敵天壁奮擊敗之追至生姜門遂克本州洪武元年正

月克福州二十九日從湯和取延平禽陳友定尋有
旨率本部隨廖永忠朱亮祖航海征廣四月十六日
攻取二山焚賊寨生禽賊首偽同知陳祖保等送永
忠所裒以示衆五月一日率師取梧州二十一日攻
藤州二十二日元尚書二人率衆迎敵天璧與戰自
午至申敗之殺尚書并賊衆獲船五十餘艘馬三十
疋克藤州以千戶何鑪鎮撫蕭庸守 六月二日回
至梧州取道廣西十日克平樂府十八日抵靖江會
平章楊璟兵二十三日攻破靖江執元守將平章也
兒吉尼尋回梧州七月一日將向賓州五日至潯州

八日攻貴州十日克橫州十一日於賓中途破黃郎
金城賊寨斬首若干級獲馬八十餘匹十五日至賓
境保象州偽平章阿思蘭遣其部將李左丞率兵迎
拒天璧敗之殺賊一十五人思蘭懼怯過遣其子僧
保來納款既而自率所部來降獻其銀印金牌等物
賓象既克廣西悉平九月克山南竒石龍潭必冲等
處賊寨十二月十五日統本衛官軍征進海南海北
克南澹萬安等城與生黎化黎小踴洞主王官太等
戰敗其衆又以恩信招諭各賊使降三年三月碭州
沙港與賊木太守交鋒獲船一百餘艘四月又與海

賊何均受戰於海洋大敗之是月回廣西八月歸杭
調從徐達征襄陽等處莽張賊寨十二月八日至上
津同張叅政率師以往十七日攻破其砦即率千戶
楊清等軍追之并美良川偽平章王整等賊衆遇敵
禽偽李叅政等十餘人送達所典刑三年正月奉達
調領官軍攻偽余平章寨降之復將本衛官軍脩理
金州城池二月六日調領所部馳至与安會同大軍
策應小總兵王保保三月二十九日兩與戰賊
兵皆斃四月九日復戰敗之伍片駐張家川調從達
往土蕃招諭至西河州命統各衛軍收捕前元卜納

王追至阿撒里忙撒里打必失腦兒克魯干擊敗卜
納王院使馬密等衆復同臨洮育趙指揮過禿魯干
等地卜納王遣太子并馬密齋牌印降西番悉寧八
月命選所部精兵一千援興元遂與周指揮莫指揮
等官軍取曹口賊寨哨至興元賊兵俱遁率衆攤平
周圍長城遂班師十月改杭州衛指揮同知賜誥階
安遠將軍四年閏三月改仁和衛仍前職七年出海
捕倭以疾卒實二月二十二日也夫忠孝一理臣子
一心天墜於賀李二賊義不共戴天然能倡父兵協
王師討賊復讎已足為孝顧其所執以為孝者豈惟

是哉方泗公鎮括蒼群雄未平大統未集固欲剗削
僭亂合九州而一之不幸而遇變遂使忠愛之心倦
倦乎是者徒為九原不瞑之目此天壁所痛心隱骨
而不能一朝忘也自是天壁忠結

主知大承委任百涉畏途出死鋒鏑摧城破陣佐成混
一其功宏偉而卓犖雖錫節土之封永河山之誓比
肩徹侯亦何忝哉是固足以畢酬父志矣曾子曰事
君不忠非孝也戰陣無勇非孝也天壁忠勇兼功業
懋臣子之道如此而已矣故曰泗公之不辱其親也
本於死事之忠而天壁之不負其

君也則自乎繼志之孝

皇明開國功臣錄卷二十四

定遠黃金

宋思顏 單安仁 郭景祥 楊元杲

安然 阮弘道 郭彥仁 馬世熊

陳灌 魯彥中 劉辰 王宗顯

趙耀 馬汝舟 朱守仁 周忠

黃正 趙秩 楊載 薛文勝

宋思顏初仕元繼歸本朝上克太平用思顏居幕

府贊謀議丙申春三月從克金陵秋七月置江南行

中書省上兼總省事以思顏同李善長為參議預

決機務裨益甚衆辛丑春三月改行樞密院為大都督府以思顏兼參軍事益著勞績秋七月甲子

上視事東閣時天熱坐久汗濕衣左右更衣以進皆經

一澣濯者思顏進曰臣見 主公躬行節儉舊衣皆澣

濯更造禹之惡衣服誠無以加矣真可以示法於子

孫也臣恐 主公今日如此而後或不然願始終如

此 上喜曰思顏之言甚善他人能言或惟及目前

而不能及於久遠或能及其已然而不能及於將然

今思顏見我能行於前而慮我不能行於後信能盡

忠於我也乃賜之幣以彰其直復謂思顏曰汝在前

朝頗有善譽為主者不能知汝及歸於我數進讜言

斯固可嘉思顏又曰近旬容有乞為害 主上既遣

人捕獲之今豢養民間飼之以犬無益 上欣然即

命取二虎并一熊皆殺之分其肉賜百官思顏後僉

河內道按察司事

單安仁一名居仁鳳陽縣人元末兵亂安仁集義旅

捍禦鄉曲號曰青軍自稱元帥後以乏食移軍維揚

太祖皇帝渡江克金陵遣人招之安仁率眾來附 上

嘉其誠授以官以其軍守常州安仁事 上忠謹克

效勤勞屢從征有功其子單大舍在常叛降張士誠

後克蘇州生擒之。上付安仁自處之。猶以鄉舊待安仁累官至兵部尚書致事還鄉卒賜葬祭。

郭景祥字仲德濠梁人有大志善謀斷博涉書史從太祖倡義旅委身兵間屢陳時務。上重之命侍帷幄。歲甲午克滁州脩治城壕乙未從取和陽嘗領兵擊殺羣盜渡江取系石定太平脩太平城克溧陽城壕亦脩治之丙申春三月從克金陵秋七月置江南行中書省。上兼總省事以景祥為左右司郎中與李夢庚侯元善陶安等同事景祥直諒遇事敢言每有諫諍。上察知之嘗曰汝文官也而有折衝禦侮之

能且盡忠於我斯誠可嘉由是日見親信受心膂之託辛丑春三月改行樞密院為大都督府以景祥為叅軍出入內外益宣勞效癸卯春和州守臣奏州城久廢。上命景祥往視役相度經營因故址而城之。令軍民計田出夫衆悅子來九旬而工告成壯觀甲畿輔既還京。上以和為江淮重鎮。國朝興業肇基于茲顧蒞守之必得勲舊重臣又渡江來官吏犯罪者胥此屯戍亦必得人按治甲辰夏六月辛未乃命景祥仍舊職加總制和州軍民出鎮焉至則宣武布德輯軍撫民政通歲稔增城上樓櫓一百餘所浚

城壕六百餘丈置公署創學校建鎮西樓乘駟橋祀
典祠廟橋梁次舍臺門衢路一撤而新百廢具舉乃
飭農事廣屯田足兵食簡官吏訓練士卒明賞罰號
令整嚴威望大著 上聞遣使以璽書勞之

楊元果字文素滁州人家世業儒少好學以文雅稱
歲甲午

太祖駐兵滁城適丁旱曠欲致禱于神而元果對以禱
雨之由甚悉 上以志士目之從侍左右贊謀議日
見親幸明年扈蹕渡江取太平日申春三月從克金
陵秋七月擢江南行中書省右司員外郎與侯元善

陶安阮弘道同事尋陞本司郎中出入委任克效勞
勩聲實大著壬寅春二月金華旨軍元帥蔣英等作
亂殺守將胡大海事聞 上即命元果至金華總理
軍儲事勞績益加賊平召還後陞應天府尹練達政
體智慮周密時論推允 上益重之嘗曰隨我渡江
文官掌簿書及軍機文字勤勞一十五年如楊元果
等令其子孫世襲軍職未幾元果以疾卒于官子賁
偉儀貌博學強記淹貫經史尤工詞翰被薦任大名
知縣洪武三十五年冬陞 趙府紀善
安然開封祥符人徙居潁州元季為山東行省左丞

守萊州大軍下山東然率衆歸附洪武元年授起居注轉給事中尋擢山東行省叅政立心平正撫綏勤勞祿止養身餘以給公用二年召還為工部尚書五年除河南叅政九年改行省為布政使司陞浙江布政使十二年陞御史臺右大夫十三年改左中丞夏五月癸巳坐事免官還鄉未幾復召為四輔官每論事賜坐多所裨益十四年秋八月庚申以疾卒年五十八上念其來歸之誠親製文遣官祭之其畧曰爾中土之士當元季從事義旅效力於元及元運既終我師長驅齊魯是以棄胡歸我其來甚誠朕用爾嘉數授重位嘗干於法朕特釋之昨為朝無舊臣復召爾來所望加誠事朕何其遽以疾終朕思初歸之義以牲醴致奠爾其享之

阮弘道滁州人家素寒及壯嗜文學通吏事歲甲午太祖駐兵滁城弘道獲給事左右獻替謀議上器重之乙未夏六月扈蹕渡江校采石取太平丙申春三月從克金陵秋七月置江南行中書省上兼總省事以弘道為左右司員外郎與侯元善楊元杲陶安等同事掌行軍機文字叅預兵政勞績甚著壬寅夏五月洪都平上命大都督朱文正同叅政鄧愈鎮

洪都以弘道為郎中往佐之時江右初附兵戈未息
軍民擾攘機務浩繁弘道分理之竭誠盡瘁明年偽
漢陳友諒聲舉國中兵來寇城下自夏徂秋攻圍甚
急守臣戮力捍禦城卒保全弘道預有力焉又明年
陞宣徽院使洪武初歷福建江西二行省參政俱有
聲以疾終于任 上嘗曰隨我渡江文官若阮弘道
等勤勞一十五年與他子孫世襲所鎮撫

郭彥仁無為州人少讀書有勇略尤長於吏事歸附
太祖以忠謹被知遇事多委任李文忠用兵浙西命彥
仁往為參謀多所裨益歲戊戌三月文忠以克嚴州

功陞帳前都指揮使司左副都指揮守嚴州命彥仁
充本司都事時胡大海亦以平嚴州陞院判文忠與
之有隙四月 上批示彥仁曰自龍鳳三年調汝專
掌征行兵案今來將及一載多受勤勞更兼軍中調
和士卒其間中正甚厚吾託汝於軍中正使晝夜無
憂家眷不必多慮時遣人齎送糧薪雖今將士英勇
實賴賢豪謀佑勇者必勝大事速成彼事一節正謂
保指揮我之親舅胡大海我之心腹前者曾聞二人
不和且保指揮我之身也胡院判即我心也身包其
心心得其安心若定身自然而定汝必於我男處了

寧說知將胡院判以赤心待之節制以守之使我所
圖之易成彥仁懇道 上意將領和愜所向成功文
忠待彥仁禮甚隆凡攻守機略悉預裁畫嘗提師擊
寇有功賜銀幣壬戌二月金華苗將蔣英等作亂殺
守臣叅政胡大海文忠即遣彥仁率兵討之彥仁兼
程而進至蘭谿英等懼夜半遁去彥仁遂入金華撫
其民時處州苗將李佑之等亦殺守將耿再成文忠
復調彥仁領兵屯縉雲以遏其侵軼後援新城取杭
州平浙西皆預有勞績授嚴州府知府
馬世熊濠梁人元季江淮大亂世熊集義兵保障鄉

里久之移軍維揚衆至數萬歲丁酉

太祖駐師金陵遣使招之世熊驩然率所部來歸 上
嘉其誠授以官世熊累助征行有功 上待之益厚
遷至營田使及卒 上親為文以祭之曰嗚呼長者
之歸也盡天之道乎所以天之道禍亂不作於善災
害不萌於良使得善始善終天之道也爾世熊昔役
公門未嘗輕惑於人及帥義旅度量宏深士卒感恩
時當高年前月爾孫來奏云老病少侵是月歸奏乃
知訃音嗚呼傷哉嗚呼快哉且傷傷善人去世君子
誰同快快於善始善終而盡天理也朕務甚失遣使

問疾時已過矣特遣人祭于靈所世能有知尚享
陳灌廬陵人幼穎悟嗜學既冠睹元綱日壞私憂世
且亂去習兵法環所居皆良田築為塲圃樹以木人
初莫測其意數年木鬱然成列四方寇盜蠢起遂募
義勇以保障一鄉日屯聚士馬而號令指揮於其間
隱然一良將其教練有方撫綏有道人為用時江
西諸郡多陷於寇環其鄉數十里獨賴以安者七年
陳友諒既據江西其將熊天瑞者強禮致灌與俱至
九江灌覩陳氏不足與有為去之甲辰春
太祖高皇帝克武昌灌因弘文館學士羅復仁詣軍門

上謁 上與語奇之留帳下數日灌力陳救亂安民
之說悉見聽納遂擢湖廣行中書省左右司員外郎
是冬入朝改中書省左司都事遂陞郎中明年乙巳
陞大都督府經歷大將軍徐達征淮東以灌贊軍事
既克泰州留灌督築城之役不旬日竣事 朝廷遣
使勞之命總制真州軍事丙午春除寧國府知府清
介剛斷首詢民隱興利除害增脩先聖廟建學禮師
儒以司教士習一新建祀典祠壇及驛館百廢具舉
為條格革兼并之俗覈欺隱之籍 朝廷取其戶帖
一事行之天下宣城民田瀕江化城等十六圩故堤

峻薄遇衝決則水傷禾稼壞道路歲以為患灌親為
規畫築隄廣厚加舊數倍又伐巨石作水門以時蓄
泄民至於今賴之宣歙二水暴溢平地數丈民危懼
計無出灌禱于敬亭山神水患遂息所轄宣城諸邑
踵元季之弊歲民租無入官廩率書虛籍灌至有發
其事者典司者皆怙怙懼得罪灌私念此特循故弊
弗革耳非始造奸也颺言於衆曰吾以某月某日行
視邑廩蓋俾得為計及期邑廩皆實而弊亦革有強
盜四十八人以劫舟麥當死獄已具灌聽其辭曰此
愚民因舟漂抵岸而挺引取之非素有合謀安得四

十八人悉同法府佐幕初皆難之後卒如灌議坐先
取者一人餘從減論灌嚴明片語折獄而其治務寬
厚民皆得所三年政化大行既得代民不忍其去代
者山東鞠騰霄素負才不讓觀灌所設施歎曰吾徒
當守而勿失也是年夏奉命督軍餉詣北平民胥
悅趨事又明年還京師省臺達官爭薦于朝灌力辭
還鄉居無何被召至京未命卒于旅次年四十七
詹彥中鳳陽臨淮人父贈河間郡侯母吳氏封河間
郡夫人彥中生而疑秀既長志氣卓偉博通史傳事
太祖從征伐屢獻除亂救民之策皆嘉納之初由幕官

為都事陞行省員外郎贊畫兵務兼總武功聲望大著歲甲辰乙巳荆湖等處雖皆內附而辰沅蠻夷溪峒反側尚多 上命彥中以參軍鎮守辰州創立衛所增浚城池軍政嚴肅民賴以寧洪武初陞中奉大夫湖廣行中書省參政既去民咸思之為立懷德碑其畧曰辰有五溪為槃瓠蠻獠之地漢時蠻獠寇邊伏波將軍征之血食不絕觀清光望遺風者世莫能及公為參軍出鎮於辰二年軍民士庶悉心悅誠服蓋公威武以鋤強梗仁愛以恤疲癯紀律以令師旅謙恭以下賢良思惠以敷遠人明哲以析是非籌策

以拓疆界英偉以邁群萃不然惡能既去歌詠不已公陞湖廣參政端坐則江漢澄清舉目則邊鄙寧謐其勲猷德化將著乎斬岳漢沔湖湘之間豈止辰巖爾之地耶然而樹豐功立大節以身殉國俾人人不忘吾以為後日之伏波也觀此其政績可知矣後以疾終於任

劉辰字伯靜金華人慷慨負氣節喜立功業以表見於世初

太祖親下婺州辰首上謁署為點籤奉命使方谷珍谷珍令左右飾二姬以進辰叱却之其人慚而退浙江

左丞李文忠開省于嚴辟辰置幕下以資替畫時元帥葛俊守廣信當邠寒集丁夫浚城塲民苦之欲為變文忠止之不聽言出不軌先是文忠嘗檄俊出征俊弗聽調至是文忠大怒欲臨以兵辰請往諭以大義俊即悔悟謝文忠意乃釋既而授監辦金華茶鹽官秩滿課最以親老歸養後以懷材抱德起為湖廣道監察御史臨江同知陳斌受賕及銀工盜金皆坐死辰為辯之得減死論居二年以謬譎聞擢知鎮江府興廢舉墜勤於其政聞宋宗忠簡公墓在丹徒荒穢墓田據於民即加封樹復其田丹陽道接句容細

民任肩戴者往往因日暮行劫行旅患之辰嚴為禁盜遂息郡有瀕江田八十餘頃歲久淪沒仍責賦於民請于朝除之京口閘廢舟楫不通東南漕運者轉新河江陰二港以出江多為風濤阻溺辰乃自京口至呂城百二十里去淤塞斃石作壩脩閘門順水勢之出入於是公私便之然漕河源淺易涸每仰練湖以益水湖有三斗門亦廢辰又脩築之三斗門成漕運之舟既通湖下之田益稔時浙河轉輸之民道其境上死者為收瘞疾者給米命以小舟送出境賴以活者數百人永樂元年以預脩國史知故實賜白金

文綺襲衣陞江西左叅政至則大有仁政及民

事詳墓誌

坐事免歸六年復起為北京行部左侍郎老不任政

自備

顧問留京師者三年賜勅書文綺鈔錠致事

歸踰年驛召至京疾作又賜賚遣官督醫給舟送還

卒于毗陵年七十八愚觀士之立功於人國者有二

道焉有奮身戰鬪取勝策勲者其事著其義章夫人

得而知之有託言訓諭潛消禍機者其事無形而功

顧大非明者弗得而知也方葛俊守廣信調征既不

承檄役民又弗順令陰蓄異志桀傲甚矣當是時

國家大統未集衆心觀望使卒然加之兵不激為內

變乎激變而與之角勝負未可逆期負則損威貽累

縱勝之寧免生靈糜爛鋒鏑耶辰有見於此止兵往

諭詞嚴誼正聽者膽落彼俊之衰憊固已潛融默奪

悔謝不暇不煩一刃而禍患戢其視加兵速釁功相

百矣然其事隱微人初無知者故為表章之附于開

國功云

王宗顯和州烏江人少業儒博涉經史元季避亂僑

居嚴州歲戊戌三月越國公胡大海克嚴州得宗顯

知其為儒者禮遇之及大海克蘭谿進攻婺州不克

回蘭谿築城守之留宗顯于幕下是年冬

太祖親征婺至蘭谿大海以宗顯見 上曰爾與我同

鄉里正濟所用命宗顯潛至婺城察聽事體委託甚

密宗顯至婺近城五里舊識吳世傑家察得城中守

將各自為心回以告 上甚喜曰我得婺州令汝作

知府及攻婺城首敗處州叅政石抹宜孫所遣援兵

次日攻城不下樞密院同僉竊安慶與守將帖木烈

思不和果如宗顯所察夜遣都事李相繼城詣 上請降開

東門納兵如約入城遂克之置分省等衙門改婺州

為寧越府以宗顯知寧越府事于是宗顯開郡學延

儒士葉儀宋濂為五經師戴良為學正吳沉徐原等

為訓導時喪亂之餘學校久廢至是始聞絃誦之聲

無不忻悅

趙耀趙州寧晉人初以中書省提控從徐達取蘇州

授大都督府都事遂從達平山東河南克元都取山

西入關中綜理慎密不憚勤勞達愛重之凡攻戰守

備機宜方略耀皆預焉後擢湖廣行省叅政改北平

叅政

馬汝舟常德武陵人元季兵亂汝舟集眾捍寇保翼

鄉聚後屬陳友諒守禦本上歲甲辰王師克武昌降

陳理旁郡皆來從丞相徐達兵向常德汝舟知天命

育在率衆歸附 上嘉其功改常德路為常德府命
掌管府事汝舟開創郡治建公宇撫摩瘡痍招集流
亡教民耕桑讀誦是時民亦順治而無梗化者

朱守仁徐州人有大志好讀書元末兵起為樞密同
知守舒城 上既克金陵趣取旁郡守仁灼知天命
納款內附併獻全城 上嘉之洪武初累陞工部尚
書轉北平行省叅政以饋餉不繼謫蒼梧知縣歷知
二州以治最陞四川布政使未幾召拜太僕寺卿眷
賚有加尋致仕守仁朴茂無華始終一於誠故見重

焉

詳見郡國志

周忠撫州金谿人少穎悟既長通舉子業 國初召
見青龍殿奏對稱旨寵賜優渥從征湖廣特命叅謀
左右後欲大用之屢辭不就洪武初復詣闕獻太平
十六策遣使沙漠不知所終

黃正礪山人氣質剛方言語必信居家以孝聞洪武
中為邑吏以直言徵奏對稱旨擢右僉都御史彈劾
不避權要後忤旨黜為廬州英山縣吏及平金山叛
寇復陞左僉都御史未幾命討雲南叛夷降服而還
至普安遇賊中傷

趙秩奉使往日本泛海至折木崖入其境關者拒勿

納秩以書達其王良懷乃延秩入秩諭以中國威德而詔旨有責讓其不臣中國語王曰吾國雖夷僻在扶桑未嘗不慕中國之化而通貢奉惟蒙古以戎狄涖華夏而小國視我而使其使趙姓者誅我以好語初不知其覘國也既而使者所領水犀數十艘一時雷霆風波漂覆幾無遺類自是不與通者數十年今新天子帝華夏天使亦姓趙豈昔蒙古使者之雲仍乎亦將誅我以好語而襲我也命左右將刃之秩不為動徐曰今

聖天子聖神文武明燭八表生于華夏而帝華夏非蒙古比我非蒙古使者後爾若悖逆不我信即先殺我則爾之禍亦不旋踵矣我朝之兵天兵也無不一當百我朝之戰艦雖蒙古戈船百不當其一况天命所在人孰能違豈以我朝之以禮懷爾者與蒙古之襲爾國者比邪於是其王氣沮下堂延秩禮遇有加遣其臣僧祖并僧九人隨秩入朝奉表稱臣貢馬及方物

楊載國初任行人洪武元年奉使招諭日本二年至自海上未幾詔復往使其國四年秋日本奉表入貢載以勞獲承寵賚即又遣使流球五年秋流球奉表

從載八貢 上嘉載功復厚賚之金華胡翰壯其行
為之論曰丈夫生不為將得為使足矣緩頰折衝之
間一言得之足為中國重一言失之亦未嘗不為夷
狄侮笑東南海中諸夷國遠而險者惟日本近而險
者則流球耳由古以來常負固桀驁以為中國不足
制之元入中國所統土宇視漢唐為尤廣至元中嘗
命省臣阿剌罕將兵討日本未及其國而海舟多漂
覆不利其後又議取流球用閩人吳誌斗之謀以出
師而遣使往喻其國留泉南者雖久之訖不能成而
罷豈二國之不可制乎亦中國未有以服其心也載

以一介行李冒風濤之險涉魚龍不測之淵往來數
萬里如行國中不頓刃折鏃而二國靡然一旦臣服
奉表貢方物稽首拜舞闕下此非人力蓋

天威也天威所加窮日之所出入有國者孰不震疊
因其震疊而懷柔之行人之事也非有陸賈之辨傳
介子之勇莫膺其任而載慷慨許國奮不顧身者吾
不知其何所負也竊求其故夷人饒於貨寶恒以此
啗中國之使中國之使受其啗而甘之鮮不劔於利
者載也不劔於利則奉天威命安往而不濟哉

薛文勝洪武初龍州知州率兵從征松潘開路脩橋

供給軍餉及克松潘遂留安撫之招降生番甚衆

皇明開國功臣錄卷二十五

定遠黃金

張旭 湯昌 孫繼遠 何文政 任亮

陳勝 濮英 胡天福 俞輔 王臻

唐英 袁義 詹允亨 袁子明 楊威

徐勵 俞翳 湯克明 徒鑑 花茂

倪寬 陳聞 常守道 趙鑑

張旭鳳陽縣人嘉洛有大志歲壬辰兵亂即奮起應

太祖克李萬戶麾下先鋒從克五河滁和乙未六月扈

蹕渡江拔牛渚取太平收溧陽丙申二月奪敵砦三

供給軍餉及克松潘遂留安撫之招降生番甚衆

皇明開國功臣錄卷二十五

定遠黃金

張旭 湯昌 孫繼遠 何文政 任亮

陳勝 濮英 胡天福 俞輔 王臻

唐英 袁義 詹允亨 袁子明 楊威

徐勵 俞霸 湯克明 徒鑑 花茂

倪寬 陳聞 常守道 趙鑑

張旭鳳陽縣人嘉洛有大志歲壬辰兵亂即奮起應

太祖克李萬戶麾下先鋒從克五河滁和乙未六月扈

躡渡江拔牛渚取太平收溧陽丙申二月奪敵砦三

月克金陵遂取潤州是年從邵四元帥攻圍常州丁酉三月克其城陞前部先鋒取宣州畧江陰戊戌從上取金華明年克諸全援池州庚子五月擊陳寇於龍江辛丑擣江州壬寅從下豫章康祝內變復從定之授管軍百戶繼是戰彭蠡平武昌取廬州中興乙巳從常遇春平贛州克襄陽破安陸勲績益著陞飛熊衛正千戶是冬率師同孫興祖攻泰州城池克海安就留守禦征哨通州擊張士誠兵丙午春復與士誠兵戰于海口大敗之俘數千人丁未陞本衛指揮僉事從孫都督守禦滁州撫馭軍民甚著歲望洪武元

年賜制誥階宣武將軍二年冬大賚守禦有功賜白金文幣四年以病卒子春襲飛熊衛指揮僉事十三年調英武衛二十四年調廣東會州衛

湯昌濠州定遠人國初從征滁和張家堡等砦渡江拔牛渚取太平陷陳也先陣丙申春二月攻破蠻子海牙舟師三月克金陵取鎮江授總管夏六月同元帥鄧愈邵成率師攻廣德路克之置廣興翼元帥府以愈成為元帥昌為行軍總管守禦冬十二月長鎗謝元帥率眾來寇從擊敗之俘其軍士一千餘人丁酉從取宣徽秋浦諸州戊戌隨奪婺源克建德又從

上取寶婺回援池州西攻安慶庚子夏閏五月陳友諒
犯龍灣同諸將戰却之克復太平陞元帥

孫繼達定遠人形質魁岸兼擅勇略元季喪亂集同
鄉健少數百輩立柵于大積山以捍寇盜歲甲午夏
太祖駐定遠繼達率衆歸附充義兵頭目尋授管軍萬
戶從取滁州由塔山進兵克其城乙未克和州花馬
兒平章等砦扈 蹕渡江拔采石定太平溧水溧陽
元中丞蠻子海牙結砦江面丙申二月同諸將攻破
之盡獲其人船蠻子僅以身遁三月刻陳也先營進
克南臺陞管軍總管東下鎮江轉取廣德寧國等處

丁酉三月克常州陞行省都鎮撫守禦脩治城隍繕
完兵甲軍容甚張偽吳張士誠屢以兵來寇擊敗之
上嘉其功賜土田於常之武進陞總制鎮守滁州威望
益著吳元年擢濠梁衛指揮使坐謫穎上千戶洪武
三年被累戍海南起為岐州衛鎮撫九年遷涼州衛
指揮僉事十三年致仕猶署事興武衛後烏蒙蠻叛
不奉賦役特遣繼達往治之召遂卒于途 賜葬鍾
山之陰子二人長泰十三年襲涼州衛指揮次綱二
十七年授兵馬指揮稍遷衛鎮撫三十五年陞建陽
衛指揮同知永樂初征安南卒孫源曾孫瑛襲前職

瑛無詞源弟象子祀祀子聯俱襲本衛同知有
曰環者聯之諸父也弘治中襲鎮江衛指揮僉事

何文政國初從克米石取太平收溧水攻蕪湖累功
授總管丙申二月衝江面敵砦遂北蠻子海牙三月
大破陸砦於方山乘勝克金陵奪鎮江陞元帥未幾
上置江淮分院於鎮江擢文政為僉院協制江淮軍馬
豫備征伐十月助討毗陵丁酉三月平之五月己卯
與分院副使張鑑率兵攻泰興張士誠遣兵來救文
政命元帥徐大興張德林擊敗之禽其將楊文德等
遂搃泰興尋擣泰州六月蹂高郵十月一作征揚州
明年十月圍宜興斷其餉道急攻城遂下十二月隨

取婺州庚子閏五月龍江擊敗陳寇自是累攻通州
從破安慶拔江州偽都皆預有功

任亮仕元為同僉至正中擁兵柵守安陸頗以威勇
聞歲乙巳五月開平王常遇春總大軍復襄漢部將
吳福將其先鋒自沔倍道徑擣安陸州兵大潰遂禽
亮以歸開平表其壯毅可用

上命釋之授指揮僉事屬鄧愈鎮襄陽撫綏新附之民
洪武元年從大將軍徐達征中原三月克汴梁四月
率師進次河南府元將脫因帖木兒以兵數萬迎戰
洛水之北開平敗其前鋒達麾亮等乘之俘獲無算

脫回帖木兒將散卒走陝州我師進營於城北門於是元守臣平章梁王阿魯溫出降河南阮平達遂命亮招諭嵩州下之五月達自陝州還至河南會登封鞏縣雞翎山并天堂山寨復叛達命亮等往討亮分兵取露豹寨克之是月乙未克玉山等寨禽斬其頭目李德丁酉以所獲玉山望山等寨守將左丞張恒等十六人送達所達安置於河南六月壬子以達統兵守嵩州七月丙申進山等寨賊首劉志原等餘黨寇汝州三屯尚店等處左丞何文輝率兵至嵩州遣亮討破之餘黨潰散獲馬騾七十餘疋洪武二年

調征陝西十二月大賚定中原及守禦功賜白金文弊三年冬陞鷹揚衛指揮同知四年命將伐蜀命鄧愈往襄陽調遣軍馬四月

上勅愈曰可將襄陽安陸等衛官軍責付都督王成管領前去歇馬廟鹽井等處節制已調鷹揚衛指揮同知任亮等軍馬教劉應保作向导開通路徑搜捕山寨如陸路寬平直抵瞿塘會合總兵官湯和大軍攻取若道路險阻不能前進教任亮與劉應保作遊兵依前攻打山寨却教王成領兵由水路去未幾復勅愈曰四月十六日潁川侯傅友德報今月四日已

行政破階州殺獲人馬見取官軍宜從襄陽興元路
道來會今說與衛國公知道仍教任亮與南陽衛軍
馬前往歇馬廟著劉應保作向導開路會湯和軍馬
聽受節制征進其王成軍馬不必往歇馬廟及水路
去只由興元取道往傳友德軍前聽征亮奉
旨率師從湯和入重慶和受夏主明昇及其右丞劉
仁等降是年秋蜀平亮以功受賞

陳勝鳳陽人國初從定江左收江南下睦婺攻餘杭
援龍灣克江州戰彭蠡平武昌歷陞管軍正千戶繼
攻廬州取湖南轉戰淮東浙西平江殲偽吳積勲陞

指揮僉事吳元年冬十月從大將軍徐達北征中原
向山東克沂州青州濟寧濟南等處大將軍以勝統
兵守禦濟南洪武元年閏七月元降將喬僉院叛于
濟南喬僉院者福建解象官初航海至山東吳元年
十二月大將軍駐師濟南日來降至是復作亂勝率
師討平之斬首三千餘級二年冬賞守禦功賚白金
文幣二年陞指揮同知

濮英

國志作瑛

國初以武功累官西安衛都指揮坐事累

改涼州衛指揮使洪武中脩葺城樓倉庫措置有方
士卒不勞而事集郡稱智能尋以禽叛賊功陞右軍

都督僉事掌陝西行都司事

胡天福國初從征乙未取太平丙申破采石水砦定金陵克鎮江皆預有功授總管取廣德敗張士誠援兵復從鄧將軍擊謝元帥寇兵遁去丁酉取宣州拔休寧績溪乘勝克徽州立雄峯翼元帥府以天福為管軍總管是年九月壬午與同翼總管袁政江大亨率兵攻開化敵出師拒戰天福麾衆奮擊敗其千戶邵某斬首五百級生禽達魯花赤脫帖木兒回翼十月浙江苗揚元帥率衆十萬來攻時徽新附城郭未完器械未備衆心洶洶天福奮從鄧將軍力戰大敗之俘其將士數百人賊衆奔潰戊戌正月從攻婺源擊破鐵木兒不花元帥寨殺數百人追至東門鐵木兒不花被禽獲其士卒遂克婺源五月苗揚復自浙領衆來寇復從守將出兵拒却之於烏龍嶺自是敵兵不敢復侵以功陞本翼元帥

俞輔定遠積善鄉人歲甲午歸附從克滁州藕塘三汜河等砦乙未閏正月克和州敗元兵授千戶六月朔駕渡江克采石取姑孰收溧水溧陽丙申二月破江面敵砦遂北蠻子海牙三月又從

上大破陸砦於方山乘勝克金陵取鎮江陞管軍總管

冀二年從取安西鳳翔鞏昌臨洮平涼慶陽有功賜白金文幣陞指揮同知天下大定論功陞廣東都司都指揮使撫輯軍民邊境畏服十六年賜誥命授龍虎將軍

唐英國初從征保有江左平江南援龍濟討江州麋彭蠡克武昌應援安豐轉戰吳越累功陞至指揮副使洪武元年從大將軍達征進中原二月克東昌三月克汴梁四月克河南府五月辛巳大將自陝州還至河南遣英撫諭鞏縣諸山寨甲申登封鞏縣雞翎山并天堂山寨復叛大將命英同指揮曹諒率兵往

討辛卯英等破雞翎寨獲其叛將送大將所斬之天堂山若懼而復降閏七月從大將取河北州縣進克元都征山西二年從克西安鳳翔秦州鞏昌臨洮平涼慶陽等處十二月賜白金文幣三年陞指揮使

袁義廬州廬江人本姓張功臣張德勝族弟初名四為雙刀趙總管守安慶敗趙同僉丁普郎於沙子港左君弼遣吳安撫招之弗從庚子閏五月德勝追陳友諒於采石戰死始來附命為帳前親兵元帥賜今姓名或呼為袁張四辛丑從征友諒擣安慶江州壬寅下南昌授管軍千戶癸卯攻廬州殲友諒於彭蠡甲辰七月克廬州十月廖平章征桐廬義為部將俘偽吳兵丙午三月援鎮江從上于巫子門擊吳

將敗走八月言山西德清湖州丁未攻蘇州從常遇
春取通州陞食興武衛指揮事隨征中原沂州益都
濟南東阿拔之洪武元年取東昌河南陝州潼關衛
輝彰德磁州廣平臨清長蘆直沽河西務敗元平章
俺普達朵兒只進巴奪通州破元都同曹良臣追元
宗室至龍興克永平逐北也速偕薛右丞下保定從
取太原于澤潞擊賀宗哲唐同獲其人馬略西京二
健兒未經訓練乃詳諭以訓練之效欲其以俞通海
為法是歲克鳳翔鞏昌安定會州敗小豫王於石山
追大豫王與諸將合圍慶陽張良臣以兵薄義營義
堅壁不動徐乘其困與諸將力攻破之三年刻王保
保營于定西南出一百八渡亦興元陞本衛同知四
年調羽林衛總領官軍防送馬都指揮渡海鎮遼五

年統兵出海捕倭十四年奉勅征進雲南克普定曲
靖善闡大理楚雄等處有功十五年鎮楚雄老練忠
直憂國如家時虜累叛逼西城義積糴高壘調兵力
戰虜遂遁去總兵沐英以其功聞陞楚雄衛指揮使
墾田築堰以足軍餉開設衛治甃城梁橋凡諸建置
皆所經畫威強撫順夷民軍士無不感慕二十三年
入朝 上慰勞之且惜其老命太醫院為染其鬚鬢
俾回撫治以威遠人仍特賜銀印與掌以寵重之三
十二年徵還陞右軍都督僉事卒于官子聚襲府軍
左衛指揮使

詹允亨濠州人至正中兵亂棄農業入戎行歲丙申
太祖駐江左允亨來附從克金陵拔鎮江取丹陽攻圍
晉陵丁酉克橫林樂社取寧國縣宣州江陰征常熟
捷於望亭戊戌三月攻吳興十二月從

上親下婺州己亥奪諸暨衢州庚子於龍灣石灰山擊
敗陳寇復太平明年從上征陳寇擣江州癸卯援
安豐豫章受圍復從上征陳寇血戰鄱陽甲辰克

武昌回取廬州復援安豐從破中興及常益潭岳衡
澧乙巳克安陸襄陽等處城池轉覆浙西昇山舊館
丁未平姑蘇遂從擊永州道州寶慶積有戰功洪武

元年由指揮僉事陞湖廣行中書省叅政尋以疾卒
子奎洪武二年充帶刀舍人歿於王事子觀襲濟州
衛指揮僉事卒子景襲調邳州衛指揮僉事三十五
年陞調大河衛指揮同知孫恩襲調寧遠衛指揮同
知曾孫鑑襲

袁子明國初從征江南取婺州援龍灣討九江鄱陽
之戰皆預有功甲辰克武昌拔江陵復破益陽常德
潭岳衡澧襄陽沅湘積有戰勲累官指揮僉事丁未
冬十月從平章楊璟征廣西洪武元年正月進擊永
州敗其守將右丞鄧祖勝兵周文貴自全州引兵來

援復擊走之既而元兵又自廣西來援駐東鄉倚湘水列七營軍勢甚盛璟遣子明等擊之敵大敗獲其萬戶丁武等一千二百三十九人馬一百餘疋自是援絕遂克永州從取道州常寧武岡寶慶等處進克靖江賞功賜文綺帛各六疋三年陞指揮使

楊威國初從征丙申克金陵鎮江金壇圍毗陵攻張士德於舊館丁酉取長興宣州江陰武康等處以屢功由總管陞元帥戊戌三月從邵平章征湖州先登十二月扈從車駕親下婺州乘勝奪諸暨蹂三衢率五策應長興敗張士誠兵追奔數十里甲辰協守

長興乙巳援安吉丙午調隨徐丞相伐士誠克湖州丁未九月克蘇州洪武元年三月置海寧衛以威為指揮僉事

徐勵定遠昌義鄉人壬辰兵亂邑民湯某者集眾立寨于大橫山自稱萬戶為寨主誓眾申約束伺觀時變勵起而應之充百戶甲午正月相率歸附

太祖勵仍百戶是年從取滁州營於塔子岡七月進兵攻克其城乙未閏正月克和州六月朔扈蹕渡江拔采石取太平以湯總管即前萬戶薦陞充千戶克溧陽溧水丙申二月擊中丞水寨俘賊徒數十人三日大

破陳也先營乘勝克金陵鎮江廣德從徐大將攻常
州丁酉三月下之遂覆寧國徇取宣州江陰戊戌從
上取金華己亥奪諸暨明年五月援龍灣又明年從征
偽漢直擣江州甲辰平武昌掇金斗策應安豐敗張
寇兵乙巳夷海安泰州丙午從大將伐張士誠降昇
山舊館湖州進圍姑蘇吳元年六月攻婁門中火炮
傷左目而戰益力吳平論功陞安陸衛正千戶洪武
三年調通州守禦是時沙不丁等虜數寇邊數從邊
將擊走之又追降江國公軍馬克虹螺山七月從總
兵李平章北征至散不刺追及沙不丁與戰大敗之

獲其車兩駝馬等物甚衆陞福州衛指揮僉事五年
從大將征沙漠六年調遵化衛防禦有功九年陞大
興左衛指揮同知賜誥授懷遠將軍十五年卒子諒
襲大興左衛指揮僉事尋卒孫保襲十九年調密雲
衛二十年調松潘衛曾孫鎮襲松潘衛指揮僉事

俞思明國初從定江淮滅楚漢東平吳越累有戰勳
歷官指揮僉事吳元年冬從大將軍徐達取中原破
山東諸州洪武元年克樂安汴梁河洛關陝及諸山
寨徇取河北州縣克元都征山西拔平陽太原二年
二月自太原率師從副將軍常遇春馮宗異由河中

府渡河取陝西三月從發陝西進取鳳翔李思齊懼
率所部十餘萬西奔臨洮遂克其城四月大將在鳳
翔會諸將議師所向決計先臨洮而後慶陽乃留偏
將守鞏重營壘令思明與金興旺守鳳翔遂移師西
征及克隴州鞏昌臨洮平涼調思明從攻慶陽張良
臣屢戰不利援絕食盡八月二十一日慶陽城破已
而大將至平涼將還京師以平涼要害且新罹戰傷
民多流徙命思明統兵守之招徠撫綏大著聲望十
二月賞守禦功賜白金文幣三年王保保重為邊患
從諸將討之四月大破其軍於定西夷其營落獲車
兩馬牛保保絕塞而遁十一月陞指揮使

湯克明國初從定江左取毗陵攻吳興下婺州拔諸
暨援長興李文忠總鎮廣信及睦婺諸郡克明屬焉
提兵攻援兩浙累著勲績新城之戰效展尤多丙午
從文忠取桐廬餘杭等處克杭州積功陞指揮副使
丁未九月命從叅政朱亮祖率馬步舟師討方國珍
克新昌天台進擊台州方國瑛兵敗奔黃巖十月擊
黃巖國瑛遁海上遂引兵攻溫州障于城南七里方
國珍將衛兵拒戰我師擊敗之破其大平寨追北至
城下餘兵奔入城克明復攻其西門指揮徐秀攻車

門晡時克其城獲其負外郎劉本方明善已挈妻之
遁去十一月敗明善於樂清之盤嶼未幾國瑛明善
皆降元年從征廣東二年賚征南功賜白金文幣
徒鑑定遠人歲甲午歸附從征克滁和二州三汜河
版門等寨渡江克采石姑孰溧陽溧水丙申二月破
蠻子海牙水砦獲船一艘賊入二十名三月拔方山
營乘勝取金陵鎮江丹陽以屢功授管軍千戶從圍
晉陵丁酉奪寧國縣宣州營于甘露踣江陰戊戌十
二月從

上親下婺州己亥擢諸暨庚子

江擊敗陳寇得

賊一十九人自是覆安慶擣江州下豫章援安豐戰
彭蠡勲績益著甲辰克武昌廬州轉取浮梁明年舉
海安泰州又明年三月夷高郵四月并淮安論功陞
指揮僉事從伐張士誠得舊館湖州圍蘇州丁未九
月平之賜綵段表裏從大將征中原沂州益都汴梁
河洛晉冀皆預有功洪武二年陞大興左衛指揮同
知守禦北平三年征沙漠七年調鳳陽留守司寄俸
專督屯種十一年調袁州衛指揮同知十七年卒子
宣孫過世襲袁州衛指揮同知
花茂廬州巢縣人元季從陳也先歲丙申三月啟恭

歸附克南臺鎮江金壇丁酉克常州寧國江陰征常
熟戊戌攻湖州援長興克婺州己亥克諸暨辛丑策
應濠州壬寅充交鎗把都兒破山寨癸卯援安豐敗
張士誠兵又於鄱陽湖戰滅陳友諒甲辰平武昌授
威武衛百戶回擊廬州復援安豐命守湖廣丙午征
沅州吳元年取杉關邵武等處洪武元年克建寧延
平調征中原取泉白蘇州等寨及澤潞平陽太原十
二月授流官勅命二年克鹿臺陝西鳳翔秦州鞏昌
蘭州慶陽十二月陞武昌衛副千戶四年正月征西
蜀五月誥授世襲克瞿塘關雲陽重慶五年克左右

兩江田州等府六年二月調金吾左衛征迤北八年
十月陞神策衛指揮僉事十年八月賜世襲誥宣威
將軍十一年調府軍右衛十三年八月調廣州左衛
勦平陽春等縣叛賊十四年收捕清遠英德翁源博
羅諸縣山寨十五年復討東莞增城雷州海南叛蠻
又屢出海捕倭十九年東莞龍川興寧南海香山翁
源縣民作亂統兵剋平之二十年正月陞廣東都司
指揮同知夷電白等賊二十一年破歸善等縣賊寨
二十二年四月陞本司都指揮僉事五月陞本司都
指揮同知賜誥子孫世襲廣州左衛指揮使是年繫

南海香山苗連等寨賊徒二十四年七月收勦廣東
連州廣西湖廣等處狂賊三萬餘二十六年正月以
征傷乞致仕

上命其子榮為東勝右衛指揮僉事茂仍蒞事四月統
軍蕩滅東莞筭岡等處叛賊何迪等若干人十七
年茂上言廣東沿海地方若東莞香山等縣逋逃蠻
戶附居海島遇官軍則稱捕魚遇番賊則同為寇盜
不時出沒劫掠人民殊難官轄請徙其人為兵庶革
前患又奏添設沿海依山廣海碣石神電等二十四
衛所築城浚池收集海島隱料無籍等軍守禦仍於

要害山口海汊立堡撥軍屯守詔皆從之二十八年
閏九月征捕海南等處山峒黎賊明年二月因進珠
入覲上慰獎之且曰爾回今次子英來朝朕將用
之六月茂回會番禺後山等寨賊叛命英同肇慶衛
指揮夏忠領軍捕之獲其首從鄧佛蔭等七十四人
即遣英赴京十一月茂在任奉制陞本司指揮
使三十年正月

上命英為廣東都指揮僉事三月抵任先是龍川等處
賊亂茂率指揮張春等官軍討之未交兵而疾作至
是英代父進擊與張春共殄賊首黃黑面等地方靖

一 寧四月二十日茂卒有 旨英護柩還葬柩至京命
工部建祠宇停柩禮部致祭韓王等王在京府部等
官咸祭之仍命欽天監官劉隆於牛首等山擇葬地
久之賜葬安德門外凡葬所需悉出 恩卹特之再
遣祭既葬英入謝復有 旨塋域外周圍 志
花茂護塋誠異數也蓋茂佐運而興謀勇兼濟攻城
畧地誅叛討賊功著東府忠誠勞瘁簡在

上心是以生則爵祿荐加沒則恤典優備豈伊然哉予
二人長即榮次即英英武毅有父風自以軍功陞本
司都指揮使授驃騎將軍永樂中累建奇勳大著聲
望歷任三十九年致仕曾孫璟

倪寬邳州人精武藝元季兵亂偃偃無所之歲丙午
王師克高郵下淮安寬乃收集民兵歸附從 正東伐
張士誠北取中原累立戰功進陞後軍都督僉事
陳聞廬州合肥人元末為義兵千戶歲乙未隨陳胡
元帥渡江駐營于太平灌渡橋是年六月

太祖渡江克太平遂率眾歸附授太平興國翼元帥府
副付充管軍千戶同陳胡元帥克溧水敗左侍御軍
馬七月從總兵湯大夫劉總管克句容八月從邵四
元帥克溧陽丙申二月參同大軍取來石中丞水寨

獲其樓船三月三日克陳也先營獲馬一疋軍四十
七人就與管領十日進取南臺賊敵兵千蔣山直抵
城下斫柵先登遂克其城命守東門十七日隨克鎮
江自大西門而入五月從陳邵二元帥小書同會征
宣州七月從徐大將攻常州戰於牛塘橋
對敵箭傷左足丁酉三月破其城賜彩段二疋以陳
兆先薦充帳前右元帥府管軍總管四月從兆先參
大軍取寧國縣擊敗宣州援兵寧國既克宣州亦附
六月從葉平章趙院判克江陰州脩城浚池七月會
六軍殺却張寇軍馬八月營於甘露克新安堂亭與

張寇大戰中鎗傷右頸戊戌二月從攻湖州擊天目
山等寨十月從兆先策應宜興十二月克婺州箭傷
右膝明年正月從兆先參隨楊平章胡參院克諸暨
尋取紹興駐亭山進攻西門箭傷右臂回守婺州七
月從常平章取衢州張院判以兵拒戰擊賊之奔入
城後復出戰復劔而入十月克之賜彩段二疋
正月從陳八元帥征常熟閏五月從兆先參隨馮都
督復太平敗陳友諒舟師遂同兆先太平守禦辛丑
八月同兆先征安慶北門殺敵尋拔江州調隨常平
章守龍江十一月從援長興大敗李司法兵追殺甚

衆明年二月更制編伍以兆先薦授管軍百戶九月
脩築安慶城池從楊平章守禦癸卯八月從楊平章
援鄱陽湖口敗滅友諒十月從征武昌甲辰二月擊
走潭岳援兵武昌遂下從楊平章守禦賜彩段五疋
陞管軍千戶九月從楊平章取荊州守之
丙午八月移戍歸州洪武三年七月爲夏守瞿塘關
莫平章率水陸兵來攻聞出兵南門奮擊賊大敗斬
首二百餘級生禽首從八十人送楊平章戴系臣所
典刑四年春詔授世襲武德將軍賜彩段三表裏
年移守德安十一年八月陞成都前衛指揮僉事十

二年梁山太竹等處賊人叛亂奉調統領各衛官軍
討之三月至重慶合州銅梁陳江槽殺獲首級二百
餘顆生禽五百人賊攻長壽同節指揮擊走之抵
江高灘洞殺賊五十人賊圍墊江復擊散之遂以梁
山龍馬槽寨殺賊二百人生禽招討二名箭傷胸右
追天龍保潰賊獲九龍旗二面方天戟龍
攻達縣王元帥寨殺賊二百餘人生禽者二十女官
庄羅捲寨獲賊三十人梟以示衆四月會鄂胡二指
揮勦平大竹縣賊五月與實授七月從丁都督廣安
脩治城池十四年十月從胡郭二都督征雲南十一

月駐赤水河擊散大水腦通化等蠻十五年二月從
穎川侯攻龍海寨又從胡都督攻編張李元帥寨三
月從征建昌四月攻山郎寨及征西番蘇州十月復
從穎川侯征仁德府攻嘉墨洞廣通山寨十六年正
月征蒙化州復征大理攻破鄧川州佛光
攻海東牛心寨至品甸從取北勝州赤石崖六月從
定遠侯征小百夷七村三卜郎七月復援大理從征
建川石門等寨十七年師還賜彩段鈔錠計後明
將軍明年夏論征南功復賜鈔五百貫二十三
成都右衛指揮同知與世襲二十四年致仁子瑄襲

本衛指揮同知累以平蠻功陞四川都指揮同知進

都督封平江伯

功業載名臣錄

卒追封平江侯謚恭襄孫定

襲伯爵曾孫豫初襲伯爵後以討叛賊有功建

江侯玄孫銳襲爵

餘詳神道碑銘

常守道國初從定江南復安慶擣潯陽進征斬黃虜

清江右大戰彭蠡屢著奇勲又從平鄂州

壽春既而取海陵高郵淮安以及吳興姑蘇亦預有

勞績累官宣武衛指揮僉事丁未冬十月征中原從

都督同知張興祖自下邳率師往徐州取山東十一

月克沂州青州十二月至東平元平章馬德棄城遁

守道追至東阿元參政陳瑋以所部五萬餘人降自
是兗州以東州縣次第皆下取濟寧元守將平章陳
秉直出走我師遂入守之又取濟南洪武元年取樂
安從北上取元都征山西二年調征陝西勲勞益著
天下既定陞指揮同知進指揮使

趙鑑臨淮人功臣梁國公德勝弟也至正壬辰兵亂
太祖舉義鑑來附乙未正月克和州六月渡江克赤石
太平七月克溧水句容八月克溧陽丙申二月破中
丞水寨三月拔陳也先營并南臺乘勝取鎮江丁酉
三月夷常州四月奪寧國縣宣州明年十二月從

上取婺州己亥攻下三衢庚子七月采石擊敗偽漢高
李字號賊首一名辛丑擣潯陽壬寅下江西癸卯七
月與偽漢血戰鄱陽掀其水寨攻湖廣甲辰走余水
相取中興乙巳復從覆泰州丙午舉高郵陪淮安洪
武元年三月從康都督收汴梁四月平河南府陝州
又掇河中府二年征陝西綏德延安等處以
老力求侍養七年 召入朝特授河南衛指揮僉事
守禦陝州授散官宣武將軍十年八月賜誥命進階
明威將軍十一年調弘農衛指揮僉事

西

十一卷
十一

